

Su'aalaha Badanaa La Iska Waydiyo (FAQs) ee EBT ee Safmarka Dugsiga (P-EBT) -iyo-

P-EBT ga Xagaaga ee Carruurta Dugsiga (Cusub!)**

Sanad Dugsiyedka 2021-2022 (*Agoosto 5, 2022*)

S1: Waa maxay P-EBT?

J: Waxaa weeye gunno unto oo kumeel gaadh ah oo ay siiso dawlada federaalku qoysaska uu saameeyay xidhitaanka dugsiga ee COVID-19 la xidhiidha iyo ka maqnaanshaha dugsiga.

S2: Yaa u qalma gunnooyinka P-EBT?

J: Qoysaska Vermont ee leh ardayda caadiyan qaata cuntada bilaashka ah ama qiimaha jaban ee dugsiga ee hoos timaada Barnaamijka Qadada Dugsiga Qaran. Gunnooyinka waxaa la heli kraa bisha hadii:

- ardayga uu qabo ugu yaraan hal cudurdaar maqnaanshe COVID la xidhiidha bisha, **iyo**
- dugsiga ardaygu uu u "qalmo" P-EBT. *Ka eeg qorshaha gobolka si aad u ogaato sida dugsigu ugu qalmo P-EBT: <https://dcf.vermont.gov/esd/covid19/P-EBT>.*

S3: Maxaa loo yaqaan maqnaanshaha leh cudur daarka ee COVID la xidhiidha?

J: Maqnaanshaha COVID la xidhiidha waxa uu ka dhigan yahay ka maqnaanshaha dugsiga ee cudur daarka leh bisha wax kamid ah sababaha soo socda dartood:

- Ka maqnaanshaha dugsiga iyada oo la qabo xanuunka COVID ama xanuunka loo arko COVID,
- Ogaanshaha inuu qofku u dhawaaday cid qabta COVID,
- Astaamaha COVID oo keenaya baahi loo qabo in la is geliyo karantiin iyo/ama shaybaadhka COVID, ama
- Xidhitaan dugsiga, ama fasalka oo aan sii qorshaysnayn, ama u wareegid waxbarashada onleyinka ah sababo la xidhiidha COVID, oo ay ku jiraan dadka laga heley, shaqaale yaraan ka timid COVID, in loo baahdo in la sameeyo daba gur dadka isku dhawaaday, iwm.

S4: Dugsigeena waxaa loo xidhay baraf da'aya maalintaas ama maadaama oo ay jiraan daadad. Miyay ardaydu ugu qalmaan arrintaas P-EBT bishaas?

J: Maya, kaliya xidhitaanka COVID la xidhiidha ayaa ah sababta la oggol yahay.

S5. Sidee ayaan u ogaanayaa hadii qoyskaygu u qalmo?

J: Dugsiga ardaygaaga ayaa go'aamin doona hadii ardaygaagu u qalmo, taas oo ku salaysan shuruudaha uu bixiyey Gobolku Vermont. Dugsigu wuu kula soo xidhiidhi karaa si uu u xaqijiyo inuu yahay macluumaadka uu hayaa mid sax ah. Fadlan ka jawaab dalabkooda. Hadii aad u qalanto, waxaad ka heli doontaa warqad Waaxda Carruurta iyo Qoysaska (DCF) oo sharaxaya sida iyo goorta aad heli doonto gunnada.

S6: Wixa aan helay kaadh P-EBT sanad dugsiyeedkii hore (2020-21), balse ma haysto hadda. Taasi ma mushkilad baa?

J: DCF waxay kuu soo diri kartaa kaadhkaas badalkiisa. Tilmaamuhu waxay ku qornaan doonaan waraaqaha wargelinta gunnada ee la dirayo Abriil iyo Agoosto. Fadlan hayso kaadhkaaga cusub hadii aad haysato. Gunnooyin dheeraad ah ayaa dhici karta in lagugu siiyo maadaama oo ay jiri doonto wax ka badan hal mar oo lacag-bixin sanad dugsiyeedkan.

S7: Goorma ayaa la bixin doonaa gunnooyinka?

J: Marka ugu horraysa ee gunnooyinka *Sibtambar 2021 ilaa Janaayo 2022* waxa la bixin doonaa dabayaqaada Abriil 2022. Gunnooyinka *Febraayo 2022 ilaa Juun 2022* waxaa la soo saari doonaa Agoosto.

S8: Waa imisa gunnada P-EBT?

J: Xadiga gunnada bishii waxa uu ku salaysan yahay mudada ka maqnaanshaha ee caadiga ah ee maqnaanshaha la xidhiidha COVID:

- \$39.90 ee bil kasta ee Sibtambar 2021 ilaa Janaayo 2022
 - \$48.78 ee bil kasta Febraayo ilaa Juun 2022
-

S9: Miyaa gunnada P-EBT isku mid tahay tiro kasta oo carruurta guriga jooga?

J: Xadiga gunnada bishii waa isku mid arday kasta oo u qalma. Qoysku waxa uu heli doonaa gunnooyin kala duwan oo ku xidhan tirada bilaha ilmo kasta oo qoyska ah uu u qalmo EBT.

S10: Ardaygayga waxaa wada koriya laba qoys. Ayaa gunnada heleyaa?

J: Gunnada waxaa loo diri doonaa qofka wayn oo ku qoran "madaxa qoyska" ee u duwaan gashan dugsiga ardayga. Wixa ay noqon kartaa qofka wayn ee soo gudbiyay arjiga cuntada bilaashka ah ama qiimaha jaban ee ardayga, ama qofka wayn ee ku qoran cidda kowaad ee lala xidhiidhayo ee ku jira nidaamka dugsiga. Dugsiyadu waxay la xidhiidhayaan qoysaska Febraayo si ay u xaqijiyaan cidda lagu qorayo "madaxa qoyska". Fadlan la xidhiidh dugsiga hadii ay tahay in la badalo "madaxa qoyska".

S11: Maxaan ku iibsan karaa gunnadan?

J: Ka eeg shayada cuntada ee aad ku iibsan karto gunnadaada P-EBT websaytka USDA: <https://www.fns.usda.gov/snap/eligible-food-items>.

S12: Halkee ayaan ku isticmaali karaa kaadhkayga P-EBT?

J: Waxa aad u isticmaali kartaa inaad ku iibsato shayada cuntada ee u qalma meel kasta oo aqbasha 3SquaresVT. Waxaa taas kamid ah booshariyada, subermaarkeetyada, tukaamada, iyo in badan oo ka mid ah suuqa beeralayda ee Vermont. Macluumaad dheeraad ah ayaa ku jira websaytka DCF <https://dcf.vermont.gov/benefits/ebt>.

S13: Carruur iima dhigtaan dugsigan. Miyaan heleyaa gunnadan?

J: Maya. Gunnadan waxaa kaliya loogu talo galay qoysaska ay carruurtoodu cuntada bilaashka ah ama qiimaha jaban ka qaadato dugsigan ee Barnaamijka Qadada Dugsiga ee Qaran ee iminka u baahan inuu cuntooyinkaas ku cuno guriga maadaama oo uu jiro maqnaanshaha COVID la xidhiidha ama xidhitaanka dugsiga ama fasalka ahi.

S14: Tan ma waxa loogu talagalay kaliya carruurta ku jirta dugsiyada dadwaynaha?

J: Maya. Dugsiyada madaxa banaan qaar ayaa ku jira Barnaamijka Qadada Dugsiga ee Qaran, oo carruurta dhigata dugsiyadaas waxay u qalmi karaan gunnadan. Laakiin, dugsiyo badan oo madax banaan kuma jiraan Barnaamijka Qadada Dugsiga ee Qaran, oo ardaydoodu uma qalmaan.

S15: Ka warama dugsiyada bixiya qureecda iyo qadada bilaashka ah ee siiya dhamaan ardayda iyada oo la isticmaalayo Qodobka U Qalanka Bulshada (Community Eligibility Provision, CEP) ama Qodobka 2?

J: Dhamaan ardayda dugsiga u qalma P-EBT waxay heli doonaan gunnada P-EBT bilaha ay u maqnaayeen COVID ama marka loo xidho dugsiga ama fasalka COVID.

S16: Qof kasta oo ku jira dugsiga ilmahayga caadiyan waxa uu helaa qureecda bilaashka ah ee Qodobka 2. Miyaan qof walba heleyaa gunnada P-EBT?

J: Maya. Gunnada waxa heli kara oo keliya ardayda ku jirta dugsiyada caadiyan bixiya qureecda iyo qadada bilaashka ah iyaga oo isticmaalaya Qodobka 2 ama CEP. Hadii dugsigaagu uu caadiyan bixiyo qureec bilaash ah isaga oo isticmaalaya Qodobka 2, u qalanka P-EBT waxa ay ku salaysnaan doontaa u qalanka arday kasta qadada bilaashka ah ama qiimaha jaban.

S17: Dugsigeenu waxa uu siinayaa cunto bilaash ah dhamaan carruurta sanadkan. Ma waxa ay taasi ka dhigan tahay in dhamaan ardaydu ay qaadan doonaan gunnada?

J: Maya. Hadii dugsiga ardaygaagu uu caadiyan aanu bixin "Cuntada Caamka ah" ee soo marta CEP ama Qodobka 2 markaa u qalanku waxay ku salaysnaan doontaa u qalanka ardayda ee mid midka ah ee cuntada bilaashka ah ama jaban. Dugsiyadu waxay siin karaan cunto bilaash ah dhamaan carruurta sanadkan iyaga oo isticmaalaya ka tanaasulida USDA, laakiin ma keento inay dhamaan ardayda dugsigu u qalmaan P-EBT.

S18: Ilmahayga waxa uu wax ku dhiganayay guriga sanadkan. Ma u qalannaa gunnada?

J: Maya. Gunnada P-EBT waxa heli kara oo keliya ardayda ka diiwaangashan dugsi si caadi ah uga qaybqaata Barnaamijka Qadada Dugsiga ee Qaran. Ardayda ka diiwaangashan waxbarashada gurigu waxa ay weli ka heli karaan cuntooyin goobaha cuntooyinka ee furan. Wac 2-1-1 ama booqo websaytka Cunto Helaha USDA si aad u hesho goob cunto oo furan oo kugu dhaw: <https://www.fns.usda.gov/meals4kids>.

S19: Marka dugsiga la xidho ama ilmahaygu uu maqan yahay, waxaanu ka qaadannaa cuntada meelaha laga qaato ama dugsiga ayaa guriga noogu soo dira cuntada. Miyaan joojinaya taas hadii aan helo gunnada P-EBT? Miyay taasi iga saaraysaa u qalanka gunnadan?

J: Maya. Ardayda qaadata cuntooyinka maalmaha waxbarashada onleyinka ah waxay weli u qalmaan gunnada P-EBT. Waxa aad weli qaadan kartaa cuntooyinkaas oo waxa aad u qalmi kartaa gunnadan.

S20: Wuxaan leeyahay carruur kale oo aan ku jirin dugsiga. Miyay u qalmayaan gunnada?

J: Maya. Gunnada waxaa kaliya loogu talo geley carruurta ku jirta dugsiga caadiyan ku jira Barnaamijka Qadada Dugsiga ee Qaran.

S21: Carruurtaydu umay qalmin hore cunto qiimo jaban ama bilaash ah, laakiin xaaladaayadii ayaa is badashay iminka. Miyaan qaadan karaa P-EBT?

J: Hadii xaaladaada dhaqaale ay is badashay, waxa aanu kugu dhiiri gelinaynaa inaad dalbato:

- **3SquaresVT** - hadii aad qaadato gunno bishii, ilmahaagu waxa uu u qalmaa cuntooyinka bilaashka ah ee duggiga oo waxa uu qaadan karaa gunnada P-EBT. Ka ogow sida aad u dalbanayso websaytka DCF ee <https://dcf.vermont.gov/benefits/3SquaresVT>.
- **Cuntada bilaashka ah ama jaban** – ka hel arjiga dugsiga ilmahaaga ama websaytka Hay'ada Waxbarashada: <https://education.vermont.gov/>. Arjiga la ansixiyay ee loo soo gudbiyay dugsigaaga waxay qoysku ku heli karaan gunnooyinka ilaa Sibtambar 2021.

S22: Sidee ayay noqonaysaa hadii aanan doonaynin gunnadan?

J: Kaqaybgalku waa ikhtiyaar. Hadii aad doorato in aanad ka qayb gelin:

- Ha isticmaalin gunnooyinka dheeraadka ah ee kusoo dhaca kaadhka EBT 3SquaresVT. *AMA*

- Ka takhalus kaadhka P-EBT ee adiga lagu sameeyay adigoo jaraya miiqa birlabta ah una tuuraya kaadhka qaab ammaan ah. MA siin kartid kaadhkaaga cid kale.
-

S23: Gunnooyinka P-EBT wakhtigoodu ma dhici doonaa haddii aan laisticmaalin?

J: Haa. Gunnooyinka P-EBT wakhtigoodu waa uu dhacayaa haddii aan kaadhka lagu adeegsan muddo 274 maalmood gudahood ah.

S24: Waxa aan qabaa su'aalo dheeraad ah. Halkee wax badan ka ogaan karaa?

J: Tag <https://dcf.vermont.gov/esd/covid19/P-EBT> ama la hadal 1-800-479-6151 wixii maclumaad dheeraad ah. Fadlan la xidhiidh dugsiga ilmahaaga haddii aad qabto walaacyo gaar ah oo ku saabsan u qalanka ilmahaaga ee cuntooyinka bilaashka ah ama jaban ama aad jeelaan lahayd inaad beddesho madaxa qoyska ama cinwaanka boosta ee la adeegsan doono si loo soo saaro kaadhka.

******* P-EBT ga Xagaaga*******

S25: Waa maxay P-EBT ga Xagaagu?

J: Waa u kordhinta gunnooyinka P-EBT carruurta dugsiga inta lagu gudo jiro xagaaga.

S26: Yaa u qalma gunnooyinka P-EBT ga Xagaaga?

J: Qoysaska Vermont ee leh ardayda u qalmayey intii lagu gudo jirey sanad dugsiyeedka 2021-2022 iyo kuwii ka diiwaangashanaa dugsiga Vermont laga soo bilaabo Juun. Ardayda u qalma waa kuwa u qalma cuntooyin bilaash ah ama jaban ama xaadira dugsi bixiya quraac ama qado bilaash ah iyada oo loo marayo Qodobka 2 ama CEP.

S27. Sidee ayaan u ogaanayaa hadii qoyskaygu u qalmo?

J: Dugsiga ardaygaaga ayaa go'aamin doona hadii ardaygaagu u qalmo, taas oo ku salaysan shuruudaha uu bixiyey gobolku. Dugsigu wuu kula soo xidhiidhi karaa si uu u xaqijiyo inuu yahay maclumaadka uu hayaa mid sax ah. Fadlan ka jawaab dalabkooda. Hadii aad u qalanto, waxay kuu soo diri doontaa warqad DCF taasoo lagugu sharaxayo sida iyo goorta aad gunnada heleyso.

S28: Hadii aanu u qalanno, sidee ayaanu u heleynaa gunnooyinkan?

J: Hadii aad wakhtigan ku qaadato 3SquaresVT kaadhka EBT, waxaa lagugu siin doonaa gunnada P-EBT kaadhkaas. Haddii aad hore u qaadatay kaadhka P-EBT, waxa lagugu siin doonaa gunnada P-EBT kaadhkaas. Hadii kale, waxa lagu siin doonaa kaadh gaar ah oo P-EBT ah. Fadlan hayso kaadhkaaga P-EBT.

S29: Goorma ayaa la bixin doonaa gunnooyinka Xagaaga?

J: Waxa jira laba mar oo gunnooyinka P-EBT ga Xagaaga la bixinayo:

- Marka koowaad ee gunnooyinka P-EBT ee xagaaga ee ardayda kuwaas oo hore u ahaa kuwo u qalma cuntooyin ah bilaash/jaban ama xaadira dugsi ah CEP ama Qodobka 2 laga soo bilaabo Juun waxa la filayaa in la bixiyo Agoosto 2022.
 - Ardayda ka diiwaangashan dugsiga Vermont laga soo bilaabo Juun 2022, balse ogaado inay u qalmaan cuntooyin bilaash ah/jaban inta lagu gudo jiro muddada xagaaga, gunnooyinka waxa la bixin doonaa Sibtambar 2022.
-

S30: Waa intee muddada xagaaga ee loogu talagalay ujeeddooyinka codsiga cuntooyinka bilaashka ah/jaban iyo helitaanka P-EBT ga Xagaaga?

J: Qoysaska aan hore u ahayn kuwo u qalma cuntooyin ah bilaash/jaban waa ay codsan karaan wakhti walba illaa la gaadhayo Agoosto 19, 2022, haddii loo arko inay u qalmaanna waxa ay heli doonaan gunnada P-EBT ee xagaaga oo dhamaystiran. Qoysaska codsada cuntooyin ah bilaash/jaban kadib dhammaadka wakhtiga waxbarashada iyo marka la gaadho ama kahor Agoosto 19 waxa ay heli doonaan gunnooyinkooda P-EBT ee Xagaaga ee bixinta labaad Sibtambar. Wakhtiga kama dambeysta ah ee codsiga cuntooyin ah bilaash/jaban ee loogu talagalay ujeeddooyinka helitaanka P-EBT ga Xagaagu waa Agoosto 19, 2022.

S31: Waa imisa gunnada P-EBT ga Xagaagu?

J: Gunnada P-EBT ga Xagaagu waa \$391 ilmihi wal ee u qalma. Tani waa lacag gunno oo xaddi sugar ah oo halmar ah.

S32: Miyaa gunnada P-EBT ga Xagaagu isku mid tahay tiro kasta oo carruurta gurigu yihiin?

J: Gunnada P-EBT ga Xagaagu waa \$391 ilmihi u qalma.

S33: Haddii aan uga soo qaado cuntooyin ilmahayga goob *Qaado oo Tag* ah oo dugsigayaga ah ama aan adeegsado barnaamijyo cunto oo kale, miyey tahay inaan joojiyo samaynta taas haddii aan helo gunnada P-EBT ee Xagaaga? Miyay taasi iga saaraysaa u qalanka gunnadan?

J: Maya. Waxa aad weli qaadan kartaa cuntooyinkaas oo waanad u qalmi kartaa gunnadan.

S34: Waxaan leeyahay carruur kale oo aan ku jirin dugsiga. Miyay u qalmayaan gunnada?

J: Maya. Fadlan ka eeg Su'aalaha Badanaa La Is Weydiyo ee Daryeelka Ilmaha P-EBT wixii macluumaad ah ee ku saabsan carruurta u qalanta gunnada P-EBT ee daryeelka ilmaha, oo ay ku jirto gunnada xagaagu.

S35: Ilmahaygu waxa uu ka qalin jabiyeey dugsiga sare Juun 2022, ilmahaygu ma yahay mid u qalma?

J: Haddii ilmahaagu ahay mid u qalma cuntooyin ah bilaash/jaban Juun 2022, ilmahaagu waxa uu noqon doonaa mid u qalma gunnada P-EBT ee xagaaga.

S36: Ilmahaygu waxa uu ka qalin jabiyeey dugsiga sare horraantii Janaayo 2022, ilmahaygu ma yahay mid u qalma?

J: Maya. Si uu u noqdo mid u qalma P-EBT ga Xagaaga, ilmuu waa in uu yahay mid ka diiwaangashan dugsiga laga soo bilaabo Juun 2022. Maadaama oo ilmahaagu uu qalin jabiyeey Janaayo, looma tixgelinayo in uu yahay mid diiwaangashan Juun.

S37: Miyey tahay ilmahaygu in uu xaadiro dugsi xagaa si uu u noqdo mid u qalma P-EBT ga Xagaaga?

J: Maya. Xaadiritaanka dugsi inta lagu gudo jiro xagaagu ma aha qodob lagu go'aamiyo in ilmahaagu yahay mid u qalma P-EBT ga Xagaaga.

S38: Gunnooyinka P-EBT ga ee Xagaagu miyaa wakhtigoodu dhacayaa haddii aan la isticmaalin?

J: Haa. Gunnooyinka P-EBT wakhtigoodu waa uu dhici doonaa haddii aan kaadhka lagu adeegsan muddo 274 maalmood gudahood ah.

S39: Ilmahaygu waxa uu u qalmaa cuntooyin ah bilaash/jaban balse waxa uu wax u baranayey qaab fool ka fool ah sanad dugsiyedkii 2021-2022, ilmahaygu ma yahay mid u qalma P-EBT ga xagaaga?

J: Haa. U qalmitaanku waxa uu ku salaysan yahay u qalmitaanka cuntooyin ah bilaash/jaban.

S40: Waxa aan qabaa su'aalo dheeraad ah oo ku saabsan P-EBT ga Xagaaga. Halkee wax badan ka ogaan karaa?

J: Waxa aad tagtaa <https://dcf.vermont.gov/esd/covid19/P-EBT> ama wac 1-800-479-6151 ikhtiyaarka 7 si aad u hesho macluumaa dheeraad ah. Fadlan la xidhiidh dugsiga ilmahaaga haddii aad qabto walaacyo gaar ah oo ku saabsan u qalanka ilmahaaga ee cuntooyinka bilaashka ah ama jaban ama aad jeelaan lahayd inaad beddesho madaxa qoyska ama cinwaanka boosta ee la adeegsan doono si loo soo saaro kaadhka.

